

FERÐIR

LAUGARDAGUR 27. JÚLÍ 2013

Í kringum jörðina á 180 dögum

180 daga heimsreisa með skemmtiferðaskipi stendur jarðar-
búum til boða árið 2015. **SÍÐA 2**

Gengið um þjóðgarða

Fjöldmargar óviðjafnanlegar göngu-
leiðir liggja um þjóðgarða landsins.
SÍÐA 4

Smalaði hrein- dýrum úr loftii

Tomasz Chrapek, Íslandsmeistari í
svífvængjaflugi, fékk draumastarf á
Grænlandi.
SÍÐA 6



Heimsreisa í skemmtiferðaskipi

Viltu fara í 180 daga heimsreisu um borð í lúxus-skemmtiferðaskipi? Slík ferð er komin í sölu hjá Oceania Cruises en það mun vera lengsta ferð sem boðið hefur verið upp á. Í ferðinni verða 44 lönd heimsótt og komið við í 89 höfnum í Ameríku, Afríku, Asíu og Ástralíu og komið í helstu stórborgir. Evrópa er þó ekki með í þessari ferð.

Skipið leggur af stað frá Miami á Flórída 10. janúar 2015 og kemur til baka þann 8. júlí 2015. Ferðin tekur því sex mánuði og er tveimur mánuðum lengri en aðrar slíkar heimsferðir sem farnar hafa verið. Farþegar verða 684 og stoppað í 89 höfnum í 44 löndum.

Oceania-skipafélagið hefur ekki áður boðið heimsferðir, en það er þekkt fyrir lengri stöpp í höfnum en aðrir. „Við viljum bjóða upp á öðruvísi ferð, þar sem slökun verður í fyrirrúmi, auk þess sem ferðamenn njóta þess að fara í draumaferðina sína, kanna lönd og heimsálfur. Við erum ekki í kappi við tímunn heldur förum hægt yfir,“ segir Kunal Kamrani, forstjóri félagsins. „Við heimsækjum alla mest heillandi staði í heimi.“

Í ferðinni verða ellefu stöpp yfir nótt á sama stað og fjögur tveggja nætur stöpp í Höfðaborg í S-Afríku, Yangon, Mjanmar (Búrma), Singapur og Shanghai í Kína.

Ferðin byrjar í Karíbahafinu en heldur síðan áfram til S-Ameríku þaðan sem haldið er yfir Atlantshafið til Afríku. Þaðan fer skipið til Indlands, Asíu, Ástralíu, Nýja-Sjálands, S-Kyrrahafs og Havaí áður en haldið er til Miami í gegnum Panamaskurðinn.

Auk þess að fara yfir miðbaug fjórum sinnum og sigla í gegnum 24 tímabelti fer skipið yfir þrjú úthöf og tíu innhöf. Það stoppar á 45 eyjum og farþegum gefst kostur á að skoða 47 staði þar sem eru svæði á Náttúruminjaskrá UNESCO.

Peir sem bóka ferð snemma greiða 39.999 Bandaríkjadali, eða tæpar fimm milljónir



Allur matur er innifalinn í verði ferðarinnar, sem tekur sex mánuði.



Notalegt svefnherbergi með fallega uppabúnu rúmi og þjónum. Það er lúxus að vera um borð í skemmtiferðaskipi.

króna. Innifalinn í verðinu er ein nótt á lúxushótel í Miami fyrir ferðina.

Áfangastaðirnir eru svo margir að ómögulegt er að telja þá alla hér en þeir sem hafa áhuga geta farið á heimasíðuna www.oceaniacruises.com eða skoðað kortið hér að neðan.



Oceania Cruises býður eingöngu lúxusskip þar sem vel fer um farþega. Það verður því ekki amalegt að sigla með þeim um allan heim.

MYNDIR/GETTY

Nýtt frá
Hawaiiana Tropic

- **Silk Hydration** sólarvörn
- rakakrem og sólarvörn
- létt og silkimjúkt
- kókosilmur

HAWAIIAN Tropic
EST. 1969



Kortið.

Ævintýraferðin á korti

Farþegar sem fara í sex mánaða heimsferð um borð í Oceania Cruises eiga eftir að upplifa mikið ævintýri. Fyrst í Karíbahafinu, þar sem vinsælar eyjur eru heimsóttar, en síðan liggur leiðin til Brasilíu áður en haldið er yfir Atlantshafið til Afríku.

Nokkra þekktu staði er hægt að nefna en listinn er afar langur. Tógó, Benín, Namibía, Höfðaborg í S-Afríku, Mósambík, Madagaskar, Tansanía, Kenýa, Seychelles-eyjar, Maldíveyjar, Indland, Mjanmar, Malasía, Singapur, Taíland, Kambódía, Víetnam, Hong Kong, Shanghai og Pekín í Kína, S-Kórea, Japan, Taívan, Filippseyjar, Balí í Indónesíu, Ástralía, Tasmanía, Nýja Sjáland, Bora Bora, Tahítí, Havaí, Los Angeles, San Diego, Mexíkó, Gvatemala, Kostaríka, Kólumbía og Flórída.

Hér eru aðeins taldir upp nokkrir staðir. Skipið kemur við bryggju á nokkrum stöðum í sumum löndum. Ekki er siglt um Evrópu í þessari ferð. Hægt er að skoða alla staðina á heimasíðu Oceania Cruises.





Sælustundir sumarsins í góðra vina hópi.

MYND/ANTON

Ljúfar veigar í lautarferðina

Sælustundir sumarsins eru flestar í góðra vina hópi og fátt er betra en að klingja glösum í sólinni. Samúel Þór Hermannsson vínþjónn gefur uppskriftir að svalandi sumarveigum sem einfalt og fljótlegt er að blanda og slá þannig upp veislu úti á túni eða niðri á strönd.

Ég nota Mickey Finn eplalíkjör í drykkina en Mickey Finn hefur alltaf verið þekkt fyrir gæðakokkteila, búna til úr ekta ávöxtum. Til að mynda þarf 40 epli til að búa til einn lítra af Mickey Finn Sour Apple,“ segir Samúel en líkjörinn á sér langa sögu. „Mickey Finn var írskur að uppruna en fluttist til Ameríku þegar tímarnir voru erfiðir heima fyrir. Þegar hann kom til Chicago hófst ferill hans í barmennsku og áður en langt um leið hafði hann unnið sig upp í bransanum og var orðinn einn af aðal bareigendum Chicago-borgar. Í dag er Mickey Finn næstsöluhæsti líkjörinn á Írlandi á eftir Baileys og söluhæsti eplalíkjörinn á Íslandi.“



FERSKUR GRANATEPLA- OG HINDBERJADRYKKUR

6 cl Stolichnaya-vodka
24-36 cl Mickey Finn Sour Raspberry
Granateplasafi
Granatepli

Byrjum á að fylla könnu af klökum.

Hellum svo 6 cl af Stolichnaya-vodka yfir og svo er Hammer-gini og Mickey Finn Sour Raspberry skellt í könnuna. Fyllt upp með granateplasafa

Út í þennan drykk er frábært að bæta við ferskum granateplum.



BLUEBERRY PEACH

6 cl Hammer-gin
24-36 cl Mickey Finn Sour Blueberry
Ferskjusafi
Bláber

Byrjum á að fylla könnu af klökum.

Hellum svo 6 cl af Stolichnaya-vodka yfir og svo er Hammer-gini og Mickey Finn Sour Blueberry skellt í könnuna. Fyllt upp með ferskjusafa.

Frábært að bæta við ferskum bláberjum í þennan drykk.



GRÆNA SKRÍMSLIÐ

6 cl Stolichnaya-vodka
24-36 cl Mickey Finn Sour Apple
Engiferöl

Byrjum á að fylla könnu af klökum.

Stolichnaya-vodka og Mickey Finn Sour Apple er svo skellt í könnuna og fyllt upp með engiferöli.

Út í drykkinn er mjög fallett að setja nokkrar lime-sneiðar.



Með ósnortið land undir fótum

Ísland státar af stærsta þjóðgarði Evrópu, en innan þjóðgarða landsins er að finna fjölmargar óviðjafnanlegar gönguleiðir um því sem næst ósnortið land.

Þjóðgarðar Íslands eru þrír; Þingvellir, Snæfellsjökuls-þjóðgarður og Vatnajökuls-þjóðgarður, sem er jafnframt stærsti þjóðgarður Evrópu og þekur tæp þrettán prósent lands. Þjóðgarðar, sem eru mörg þúsund talsins um heim allan, eru svæði lands í eigu ríkisstjórna þar sem ekki má byggja upp mannvirki og eru mengunarlausa. Eðli málsins samkvæmt þykir eftirsóknarvert að berja ósnortið landslag þeirra augum og anda að sér fersku lofti og eru fjörmargar spennandi gönguleiðir í þjóðgördum landsins. Jónas Guðmundsson, verk-efnastjóri slysavarna ferðamanna hjá Slysavarnafélaginu Landsbjörg, heldur úti vefsíðunni Gönguleiðir.is. Hann var beðinn um að nefna nokkrar skemmtilegar gönguleiðir.

Vatnajökulsþjóðgarður

„Leiðin frá Sveinstindi að Hólaskjóli liggur að hluta um Vatnajökuls-þjóðgarð. Þetta er þriggja daga gönguleið og ein sú fallegasta á öllu landinu. Frá Sveinstindi er gengið í gegnum Skælinga, fram hjá svokölluðum Ufsatindum, niður Eldgjá og í Hólaskjól,“ segir Jónas.

Fyrir þá sem kjósa styttri göngu nefnir hann leið í Jökulsárgljúfrum sem kallast Eyjan í Vesturdal eða Svínadalshringurinn. „Um er að ræða léttu og þægilega gönguleið sem hentar öllum. Þetta er ekki mjög fjölfarin leið sem vekur furðu því hún er afar fjölbreytt og skemmtileg og ágætlega stikuð og

merkt. Gangan hefst við bílastæðið í Vesturdal og er gengið beint suður. Eftir stutta göngu færast slóðin nær klettaveggjum. Gengið er fram hjá Svínadal og yfir að Jökulsá. Þaðan liggur stígurinn meðfram ánni, fram hjá Karli og Kerlingu og aftur inn í Vesturdal.“

Snæfellsjökulsþjóðgarður

Jónas segir gaman að fara í styttri menningargöngutúra um Snæfellsjökulsþjóðgarð. Ein leið liggur frá Öndverðarnesi að Gufuskálum og er mikið af minjum á leiðinni. „Þetta er ansi hreint fjölbreytt og skemmtileg gönguleið. Eini gallinn er sá að upphafs- og endastaður er ekki sá sami svo skipuleggja þarf gönguna með það í huga. Gangan hefst á vestasta odda Snæfellsnes. Þaðan er farið eftir slóða að Gufuskálum sem er víða stikaður. Best er að halda sig sem næst ströndinni og oftast má finna fínar kindagötur til að fylgja. Klettarnir niður að sjónum eru víða snarbrattir en eigi að síður freistar að kíkja fram af. Þá sést sandborinn botn speglast í grænum og bláum sjónum. Leiðin liggur framhjá Skarðsvík, sem er eina náttúrulega sólarströnd landsins. Leiðin er sjö og hálfur kílómetri að lengd, alveg flöt og á færi flestra.“

Þingvellir

Fjölbreyttar gönguleiðir liggja um Þingvallarþjóðgarð og eru þær vel stikaðar og merktar. Utan þingstaðarins forna tengjast þær flestar



Þriggja daga gönguleið liggur frá Sveinstindi að Hólaskjóli. Hún þykir með fallegri gönguleiðum landsins.

gömlu eyðibýlunum Hrauntúni, Skógarkoti og Vatnskoti sem minna á gamla tíð og lífið í landinu fyrir tíma vélvæðingar. „Um er að ræða nokkurra klukkustunda göngu fyrir alla fjölskylduna,“ segir Jónas.

Nánari upplýsingar er að finna á www.gonguleidir.is en þar er yfirlit yfir áhugaverðar gönguleiðir um allt land og eru þær flokkaðar eftir landshlutum, erfiðleikastigi og lengd.



Snæfellsjökull.



Vesturdalur.

Ljúffengar veitingar í náttúrunni

Ferðalangar um landið geta nú keypt tilbúna kokkteila og ljúffeng kassavín sem henta vel í útileguna, tjaldhýsið og sumarbústaðinn. Auðveldur, þægilegur og góður kostur í sumarferðalagið.

Nú þarf ekki lengur að finna barþjón á ferðalagi um landið í sumar. Kominn er á markað tilbúinn blandaður kokkteill í kassa, tilbúinn fyrir gæðastund á íslensku sumarkvöldi. Samúel Þór Hermannsson vínþjónn segir að nú sé hægt að blanda hinn fullkomna mojito í bústaðnum, tjaldhýsinu eða á sumarferðalaginu um landið. „Vikingfjord vodka-kokkteilar eru búnir til úr náttúrulegum hráefnum eða Vikingfjord vodka, lime, myntu og hrásykri. Eitt box ætti að duga í um það bil tólf drykki. Svo er upplagt að fylla glasið með klaka og skreyta með myntulaufum og lime.“

Á ferðalagi um landið er líka mjög þægilegt að kippa með hvítvinsbeljunni frá Vinicola del Pais sem nefnist Crin Roja. „Þetta er einstaklega ljúffengt hvítvín. Vínhúsið er nálægt Ciudad Real í Alcázar de San Juan á Spáni sem er eitt besta svæðið í Castilla, hátt yfir sjávarmáli og með gjöfulan jarðveg. Roqueta-fjölskyldan keypti vínhúsið árið 2006 en hún býr yfir meira en aldar reynslu í vínraekt og vingerð.“

Um er að ræða gæðavín sem Vinicola del Pais framleiða úr eigin þrúgum sem nefnast macabeo. „Víngráðurinn er um 600 hektarar og inniheldur dæmigerðar spænskar þrúgur í bland við alþjóðlegar þrúgur. Þar á meðal eru tempranillo, monastrell, cabernet sauvignon, macabeo, arén og syrah. Vínin eru öll framleidd með nýjustu tækni og aðferðum.“ Sannkallaður sumarglaðningur á björtum sumarkvöldum.



Hvítvinið Crin Roja fæst í belju og er góður ferðafélagi í sumar.



Nú er lítið mál að blanda fullkominn mojito í bústaðnum, tjaldhýsinu eða á ferðalaginu í sumar.



AÐ FLJÚGA MEÐ BÖRNIN

Það er meira en að segja það að ferðast með ung börn í flugvélum. Eftir að hafa farið í gegnum innritunina, öryggisleitina og röðina inn í flugvélna er erfið ekki búið. Foreldrar hafa nóg á sinni könnu á meðan á flugferðinni stendur. Þeir þurfa að hafa ofan af fyrir börnunum og passa að þau valdi ekki öðrum farþegum flugvélarinnar óþægindum.

Til þess að gera fjölskyldunni auðveldara fyrir er gott að mæta tímanlega á flugvöllinn. Börnin finna á sér ef foreldrarnir eru stressaðir og það gerir bara illt verra. Í lengri flugferðum er gott að hafa leikföng og aðra afþreyingu fyrir börnin við höndina svo þau verði ekki óþreyjufull. Passið upp á fjölbreytnina. Hafið meðferðis bækur, tölvuspil, liti og spil svo dæmi séu nefnd. Það sakar heldur ekki að hafa nóg af nesti ef hungrið segir til sín.



KVIKMYNDIR HAFA ÁHRIF Á FERÐAMANNASTRUMA

Vinsælar kvikmyndir geta haft mikil áhrif á ferðamannastruma en þær virðast ýta undir það að fólk fari til tiltekinn borga eða landa.

Fallegir og spennandi staðir sem sýndir eru í miklum ljóma kveikja í fólki og fara margir að láta sig dreyma um að koma til þeirra. París kemur til að mynda mun oftast fyrir í kvikmyndum en Róm og er það talin ein ástæða þess að töluvert fleiri ferðamenn fara þangað.

Aðrir staðir sem koma oft fyrir í kvikmyndum eru Havái, Las Vegas, New York, Tókýó, San Francisco og Kairó í Egyptalandi, og þangað liggur alla jafna stríður ferðamannastrumur.



ÓLÖGLEGT Í ÚTLÖNDUM

Lög og reglur eru mismunandi í ólíkum heimshlutum og margt er ansi ólíkt íslenski löggjöf í hinum stóra heimi. Árið 1992 var tryggð gert ólöglegt í Singapúr. Raunar er að nú er hægt að kaupa tannhreinsi- og níkótínbyggjón í apótekum, en háar fjársektir liggja við því að henda ekki tryggjóni í ruslið.

Í Sádi-Arabíu mega konur ekki keyra og í Norður-Kóreu má pólitíska elítan aðeins aka ökutæki.

Í Sádi-Arabíu má enn fremur hvorki kyssa né leiða meðlim af hinu kyninu úti á götu. Víða um heim er samkynhneigð litin hornauga, eða hún er jafnvel ólögleg eða verulega illa séð. Samkynhneigðir ættu því að athuga stöðu mála, áður en þeir ferðast til dæmis um Nígíeríu, Jamaíka, Úganda, Gvæjana, Barbados, Malasíu, Egyptaland og Svartfjallaland.

Í Kína er bæði ólöglegt að fara á Facebook og YouTube.

Í löndum sem aðhyllast íslamstrú eiga konur að ganga með andlitsblæjur. Aftur á móti eru slíkar blæjur ólöglegar í Frakklandi.



ALLT SEM ÞÚ PARFT Í SUMMAR



SKIN DOCTORS

VEIN AWAY fyrir fallega leggi í sumar. VEIN AWAY frískar upp á húðina, dregur úr myndun marblættu, hárræðaslits og eykur collagen framleiðslu og blóðlæði í fótum.



XEN-TAN

LJÓMAÐU Í SUMMAR MED XEN-TAN BRÚNKUKREMLINU. Brúnkulína sem inniheldur ekki paraben né olíur. Xen-tan er auðvelt í notkun, ilmar dásamlega og gefur fallegan ólífutóna húðlit.

GULLKREMIÐ gefur húðinni ljósbrúna og gulllegna áferð. Fullkomið fyrir sérstök tilefni en gefur ekki varanlegan lit. Inniheldur 24K gullflogur.



SILK HYDRATION

- rakakrem og sólarvörn
- létt og silkimjúkt
- kókosilmur



BURT'S BEES

BURT'S BEES SHIMMER. Varanæring með piparmyntukeim sem gefur léttan og glansandi blæ. Náttúruleg og til í 7 mismunandi litum.

NIKE FREE SKÓR

Fóturinn hreyfist á eðlilegri og frjálsari hátt en í hefðbundnum skóm sem gerir það að verkum að með tímanum styrkist fóturinn þar sem litlu vöðvarnir í fætinum eru meira notaðir. Nike free run skór koma í 3.0, 4.0 og 5.0 3.0 er sveigjanlegastur 5.0 er mýkstur 4.0 er brúin á milli 3.0 og 5.0



Smalaði hreindýrum úr lofti

Tomasz Chrapek varð nýlega Íslandsmeistari í svifvængjaflugi. Síðastliðið sumar dvaldi hann ásamt nokkrum vinum sínum á Grænlandi í heilan mánuð og smalaði hreindýrum með hjálp svokallaðs paramótors.

Tomasz er fæddur og uppalinn í Póllandi en hefur búið á Íslandi síðastliðin sex ár. Hann starfar sem kerfisstjóri hjá Commatough Iceland en að öðru leyti á svifvængjaflugið hug hans allan. Auk þess er hann haldinn ljósmyndaáhuga á háu stigi.

„Ég byrjaði að læra svifvængjaflug árið 2008 þegar ég var í sumarfríi í Póllandi. Þegar ég kom aftur til Íslands keypti ég mér svifvæng og byrjaði að fljúga,“ segir Tomasz en tveimur árum síðar vaknaði áhugi hans á svokölluðum paramótör. Það er svifvængur sem er notaður eins og í svifvængjaflugi en sætið er með mótör sem knýr loftskrófu aftan við bak flugmannsins. „Það sem heilladi mig við paramótörinn er frelsið. Maður getur hafið sig til flugs af jafnsléttu og flogið hvert sem maður vill,“ segir Tomasz en hann sá einnig mikla kosti fyrir sig sem ljósmyndara. „Möguleikarnir eru ótrúlegir með paramótör. Maður getur flogið hálfan metra eða þrjá kílómetra yfir jörðu og því fengið afar breytt sjónarhorn á hlutina.“

Smalað á Grænlandi

Fyrir rúmu ári var haft samband við Tomasz og nokkra aðra félagar hans sem einnig stunda

paramótorsportið. „Það var Stefán Hrafn Magnússon, hreindýrabóndi á Grænlandi. Hann hafði ákveðið að reyna að nýta paramótora til að smala hreindýrunum sínum,“ segir Tomasz. Þeir bentu Stefáni og samstarfsmönnum hans á pólskt fyrirtæki sem bæði selur paramótora og heldur námskeið. Ekki er kennt á paramótora á Íslandi enda aðeins fimm manns sem stunda sportið hér. „Þeir fóru til Póllands á námskeið, keyptu sér græjur og fluttu þær til Grænlands,“ segir Tomasz. Þar sem ekki er óhætt fyrir lítið reynda menn að fljúga um óbyggðir Grænlands var honum sjálfum og þremur félögum hans boðið að koma til Grænlands meðan nýgræðingarnir næðu tökum á fluglistinni.


„Grænland er magnað land og það hafði alltaf verið draumur minn að ferðast þangað. Ég hafði aldrei látið verða af því vegna þess að dýrt er að fljúga þangað. Ég var því afskaplega glaður að einhver væri tilbúinn að borga mér fyrir að koma til Grænlands,“ segir hann brosandi.

Villta vestrið

Tomasz dvaldi á Grænlandi í mánuð og skemmti sér stórvél. „Grænland er svolítið eins og villa

vestrið. Þar er allt leyft, maður sér byssur úti um allt og fólk er ekkert mikið að spá í öryggi,“ segir Tomasz en stundum kom fyrir að flugmennirnir flygju í lengri tíma yfir auðnum Grænlands án þess að vera í nokkru talstöðvarsambandi. „Þetta var mjög áhættusamt enda getur tekið marga daga að komast til byggða gangandi ef eitthvað kemur upp á.“

Tomasz segir paramótörana hafa komið að góðum notum við hreindýrasmölunina. „Svæðið sem þurfti að smala á er mjög stórt, á stærð við allt Reykjanesið. Stærsti kosturinn við að geta flogið yfir svæðið var að við komum upplýsingum til smalanna á jörðu niðri um staðsetningu hjarðarinnar,“ lýsir Tomasz en flugmennirnir hjálpuðu einnig til við smölunina sjálfa. „Reyndar vöndust hreindýrin okkur fljótlega og hættu að vera hrædd. Þá þurftum við að finna upp á nýjum aðferðum til að reka þau áfram,“ segir Tomasz glettinn og hugsar hlýlega til tíma síns í háloftunum yfir Grænlandi.



Íslandsmeistari í svifvængjaflugi.



Svæðið sem þurfti að smala á var á stærð við Reykjanesið.

MYND/TOMASZ CHRAPEK



Paramótör er venjulegur svifvængur en sætið er með mótör sem knýr loftskrófu aftan við bak flugmannsins. Með paramótör þarf aðeins stutta atrennu til að hefjast á loft.



Hjónin Jónas Jónasson og Guðbjörg Lárusdóttir reka verslunina ásamt þeim Matthíasi Þór Hákonarsyni og Sif Pálsdóttur.

MYND/ARNÞÓR

Veidivörur.is opnar í Reykjavík

Veidivöruverslunin Veidivörur.is var opnuð að Síðumúla 37 fyrir skemmstu. Þar fást stangveiðivörur frá Vision, sem er einn fremsti stangveiðivöruframleiðandi heims, ásamt mörgum öðrum merkjum.

Við höfum rekið verslunina í Amaro-húsinu í göngugötunni á Akureyri síðastliðin tvö ár en hefur lengi langað til að opna útibú í Reykjavík. Þegar okkur bauðst að taka við umboðinu á Vision-stangveiðivörunum ákváðum við að slá til, en Vision er einn fremsti stangveiðivöruframleiðandi heims,“ segir Jónas Jónasson, sem rekur verslunina ásamt eiginkonu sinni Guðbjörgu Lárusdóttur og hjónunum Matthíasi Þór Hákonarsyni og Rögnu Sif Pétursdóttur.

Þeir Jónas og Matthías eru

miklir reynsluboltar þegar kemur að veiði en þeir bjóða upp á veiðiferðir um allt land undir nafninu Iceland Fishing Guide ásamt því að vera umboðsaðilar fyrir ferðaskrifstofuna Get Away Tours í Danmörku sem er stærsta veiðiferðaskrifstofa Skandinavíu. „Við erum því með aðeins þéttara afþreyingarnet í kringum okkur en gengur og gerist. Þá stefnum við að því að vera með alls kyns uppákomur samhliða verslunarrekstrinum í vetur, líkt og við höfum gert fyrir norðan, en þar höfum við meðal annars boðið upp

á fluguhnýtingarnámskeið og kynningar á hinum ýmsu ám. Veturinn er langur fyrir veiðimenn og þannig höldum við okkur við efnið.“

Í versluninum fæst allt í stang- og skotveiði; veiðistangir, skotvopn, fatnaður og allur tilheyrandi búnaður. „Vision er flaggskipið okkar en við erum auk þess með fjölmörg önnur vönduð merki. Þá bjóðum við upp á leigu á veiðibúnaði á mjög sanngjörnu verði sem kemur sér vel fyrir erlenda gesti og leiðsögumenn sem þurfa að dressa upp viðskiptavini.“



Kappsigling á bjórdósum

Allsérstæð keppni er haldin í ástralska bænum Darwin á hverju ári. Hátíðin ber nafnið „Darwin Lions Beer Can Regatta“ eða bjórdósakappsigling Darwin-borgar.

Hátíðin á sér langa sögu en fyrsta keppnin var haldin árið 1974. Keppnin fer fram á Mindil-ströndinni og felst í því að keppendur útbúa sér fleka eða skip af eigin hugvitssemi úr bjórdósum, plastflöskum, mjólkurbrúsum og ýmsum öðrum endurnýtanlegum hlutum. Meðan sumir hanna

bátana til að vinna kappsiglinguna eru aðrir sem hafa það að markmiði að gleðja augu gesta með furðulegri skipahönnun. Ekki má prófa skipin fyrir keppnina enda er stór hluti af skemmtuninni að sjá sum skipin líðast í sundur í miðri siglingu.

Fleiri skemmtiatriði eru á dagskrá þennan hátíðardag. Tónleikar, keppni í skókasti og keppni þar sem eigendur dósabátanna aka þeim um götur bæjarins eins og Flintstone-bílum.

Tilgangur hátíðarinnar, annar en sá að veita keppendum og gestum mikla gleði, er að láta gott af sér leiða. Ágóðinn af keppninni er ávallt notaður til góðra verka í bænum.



Vilt þú fara út ?

Komdu við í Fjallakofanum
því við eigum allt til þess að
gera góða útilegu betri

 Marmot®

 SCARPA®

 Black Diamond

 ARC'TERYX

 Smartwool

 PETZL

 DAKINE

 SEA TO SUMMIT

Við vinnum náið með leiðsögumönnum
m.a.



 arctic
RAFTING





ARCTIC
HELJ
GNÍYS
ICELAND




**FJALLA
KOFINN**

Kringlan 7 | Laugavegur 11 | Reykjavíkurvegur 64

S: 510 9505 | fjallakofinn.is  



EKKI ANA ÚT Í ÓVISSUNA

Flestir leggja upp í ferðalög með það í huga að hafa gaman. Að ýmsu þarf þó að hyggja svo að allt gangi snurðulaust fyrir sig, en talsvert er um að fólk lendi í klandri vegna reynslu- og kunnáttuleysis á nýjum slóðum.

Að velja lélegt hótél, subbulegan veitingastað eða að villast inn í vafasamt hverfi getur hæglega breytt skemmtiferð í martröð. Því er gott að kynna sér áfangastaðinn og umhverfið áður en lagt er í hann.

Flestir þekkja vefsíðuna Trip-Advisor.com, en hún hefur reynst ferðamönnum afar gagnleg þegar leggja þarf mat á hótél, veitingastaði og afþreyingarstaði. Fleiri sambærilegar síður eru til en TripAdvisor er vafalaust sú útbreiddasta. Má þar nefna TravelPost.com, Yelp.com og OpenTable.com.

Á vefsíðunum er hægt að sjá annað en lofræður söluaðila um tiltekna staði enda lýsir fólk úr öllum áttum upplifun sinni út frá eigin reynslu. Þrátt fyrir ótvíræða kosti eru síður sem þessar ekki gallalaugar og er ágætt að hafa eftirfarandi atriði í huga.



● Lesið á milli línanna. Er viðkomandi á sömu bylgjulengd og þú? Festir hann sig í of miklum smámunum? Byggir hann umsögnina á einstöku óheppilegu atviki sem segir kannski ekki allt um staðinn?

● Því fleiri umsagnir sem þú getur lesið um tiltekinn stað, þeim mun betri mynd færðu af honum.

● Kannaðu ávallt hversu gamlar færslurnar eru. Staðurinn gæti hafa breyst. Hann gæti líka hafa flutt og honum gæti jafnvel hafa verið lokað.

● Best er ef notendur birta myndir með færslunum. Þær segja oft meira en mörg orð.



DAGSFERÐIR EFTIR VINNU

Það getur verið erfitt að vera bundinn við vinnu á góðviðrisdögum. Þá er ráð að skreppa í stutta dagstúra að vinnudegi loknum.

Höfuðborgarbúar hafa úr ýmsu að velja. Langisandur á Akranesi er til að mynda algjör sumarperla og í aðeins 40 mínútna fjarlægð frá Reykjavík. Þar er hægt að busla í sjónum, búa til sandkastala og leika sér í París og öðrum strandleikjum. Eins er dásamlegt að koma á Stokkseyri og Eyrarbakka, sem sömuleiðis eru steinsnar frá Reykjavík. Þar er að finna skemmtileg söfn, góða veitingastaði og fallegar gönguleiðir.

Hvaleyrarvatn, við Hafnarfjörð, þykir svo eitt fallegasta vatnið í nágrenni höfuðborgarsvæðisins og þar er auðvelt að næla sér í sumarfrísíling. Þar er hægt að grilla og flatmaga við bakkann auk þess sem góður göngustígur liggur umhverfis vatnið.

Þá er upplagt að fara í fjöruferð í Hvalfjörð, en þar er krökkt af fallegum steinum.



flugrútan

Reykjavík
Excursions
KYNNISFERÐIR

ÞÚ KEMST ÞANGAÐ MEÐ OKKUR!

NJÓTTU ÞESS AÐ FERÐAST Á EINFALDAN HÁTT.

Áætlunarferðir Flugrúttunnar eru í tengslum við allar komur og brottfarir flugvéla um Keflavíkurflugvöll.

Kaupu miða núna á www.flugrutan.is
Alltaf laus sæti.



Frí þráðlaus
internettenging
í öllum bílum



BSÍ - Umferðarmiðstöðin
101 Reykjavík
☎ 580 5400
main@re.is • www.re.is



Skannaðu stríkamarkið með snjallsímanum og kynntu þér áætlunina.

